



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač	RB
DOP	1 00	1859

Strana:
1 od 1

Broj protokola:

01-02-2-3908-1/24

INTERNO

DATUM: 21.07.2025

PRIMALAC: Bosna i Hercegovina

Federacija Bosne i Hercegovine

Parlament Federacije Bosne i Hercegovine

Predstavnički/Zastupnički dom

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 22-07-2025			
Org. jed.	Broj	Priloga	Vrijednost
05/1	- 02 -	346	/25

PREDMET: Odgovor na zastupničko pitanje Jasmine Bišćević - Tokić

VEZA: Vaš broj 05/1-02-346/25

Poštovani,

U vezi sa zastupničkim pitanjem zastupnice Jasmine Bišćević – Tokić, postavljenim dana 16.07.2025. godine, dostavljamo zajednički odgovor svih članova Nadzornog odbora J.P. Međunarodni aerodrom "SARAJEVO" d.o.o. Sarajevo, kako slijedi:

Nadzorni odbor J.P. Međunarodni aerodrom "SARAJEVO" d.o.o. Sarajevo na dan dostavljanja ovog odgovora

- nije zaprimio niti razmatrao Nacrt izmjena i dopuna Statuta J.P. Međunarodni aerodrom "SARAJEVO" d.o.o. Sarajevo od strane Uprave Društva, niti je razmatrao ili utvrdio bilo kakav Prijedlog izmjena i dopuna ovog normativnog akta;
- nije resornom ministarstvu niti Vladi Federacije Bosne i Hercegovine dostavio bilo kakvu inicijativu za izmjenu i dopunu Statuta J.P. Međunarodni aerodrom "SARAJEVO" d.o.o. Sarajevo;
- ne raspolaže informacijama o bilo kakvim stavovima ili postupcima resornog ministarstva ili Vlade Federacije Bosne i Hercegovine po pitanju izmjena i dopuna Statuta J.P. Međunarodni aerodrom "SARAJEVO" d.o.o. Sarajevo.

U vezi sa pitanjem pod rednim brojem 4., naglašavamo da je već ranije bilo postavljeno pitanje od strane zastupnika Mirze Čelik, a na koje je Vlada FBiH dostavila odgovor kojim je potvrdila zakonitost i pravilnost imenovanja trenutne Uprave Društva, a koji odgovor Vam dostavljamo u prilogu.

S poštovanjem



Predsjednik Nadzornog odbora

Benjamin Mešak

DOSTAVLJENO:

- Naslovu
- Federalnom ministarstvu prometa i komunikacija



	Tel:	Fax:	E-mail:
INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 786 841	gpc@sarajevo-airport.ba
WEB	www.sarajevo-airport.ba	/	/

*Kabinet
- uprava*

Broj: 11-02-2-2756-1/24
Mostar, 13.12.2024.godine

J.R. Međunarodni aerodrom "Sarajevo" d.o.o.
SARAJEVO

VLADA FEDERACIJE BIH
N/r Tajnik Vlade Federacije BiH

Primijeno: 23.12.2024			1
Org. jed.	Klasif. oznaka	Redni broj	Broj priloga
01-	02-2-	3908	0/24

**Predmet: Odgovor na zastupničko pitanje koja je postavio zastupnik Mirza Čelik
u Zastupničkom domu Parlamenta Federacije BiH, dostavlja se**

U vezi sa zastupničkim pitanjem koje je postavio zastupnik Mirza Čelika u Zastupničkom domu Parlamenta Federacije BiH, dostavljamo sljedeći odgovor koji se odnosi na promjene u upravi JP „Međunarodni aerodrom Sarajevo“ d.o.o. Sarajevo.

Pravni okvir koji uređuje pitanje imenovanja i razrješenja članova uprave uređen je, između ostalog, Uredbom o vršenju ovlasti u gospodarskim društvima sa sudjelovanjem državnog kapitala iz mjerodavnosti Federacije Bosne i Hercegovine (Službene novine Federacije BiH, br. 20/16, 3/17, 9/17, 69/17, 96/17 i 101/22). Uredba je pak donesena na temelju ovlasti iz članka. 247. stavak. (7) Zakona o gospodarskim društvima u daljem tekstu ZGD) koji glasi: "Postupak imenovanja i razrješenja nadzornog odbora i ostala pitanja koja se odnose na upravljanje u društvima sa sudjelovanjem državnog kapitala uređuju se Uredbom o vršenju ovlasti organa Federacije Bosne i Hercegovine u gospodarskim društvima sa sudjelovanjem državnog kapitala."

Dakle, ZGD je pravna osnova za donošenje predmetne Uredbe i ona predstavlja ključni pravni akt za postupak imenovanja, ne samo nadzornog odbora, nego i svih drugih pitanja koja se tiču upravljanja u društvima sa sudjelovanjem državnog kapitala, uključujući imenovanje uprave društva.

Prema Zakonu o Vladi Federacije Bosne i Hercegovine (Službene novine Federacije BiH, br. 1/94, 8/95, 58/02, 19/03, 2/06 i 8/06) i Uredbi o vršenju ovlasti u gospodarskim društvima sa sudjelovanjem državnog kapitala iz mjerodavnosti Federacije Bosne i Hercegovine Vlada Federacije Bosne i Hercegovine donijela je odgovarajuće odluke u vezi sa promjenama u upravi JP „Međunarodni aerodrom Sarajevo“ d.o.o. Sarajevo.

U prvom slučaju, Odluka o razrješenju članova uprave donesena je zbog gubitka povjerenja vlasnika društva, a u slučaju Elvedina Begića, razrješenje je uslijedilo zbog smrti. Odluka o razrješenju članova uprave donesena je temeljem članka 19. stavak (2) Zakona o Vladi Federacije BiH. Prema ovom zakonskom okviru, Vlada daje prethodnu suglasnost za razrješenje članova uprave, čime su osigurane sve zakonske i statutom predviđene procedure.

Temeljem navedenog kao i članka 36. stavak (4) Statuta JP „Međunarodni aerodrom Sarajevo“ d.o.o. Sarajevo, koji omogućava razrješenje članova uprave prije isteka mandata, donesena je Odluka o razrješenju postojećih članova uprave društva. Ova odredba omogućuje razrješenje članova uprave i prije isteka njihovog mandata u situacijama kada je to nužno.

Članak 13. stavak (1) Uredbe o vršenju ovlasti u gospodarskim društvima sa sudjelovanjem državnog kapitala iz mjerodavnosti Federacije Bosne i Hercegovine propisano je da izbor kandidata za članove uprave gospodarskih društava sa većinskim sudjelovanjem državnog kapitala vrši organ utvrđen Statutom tog gospodarskoga Društva na osnovu objavljenog Javnog natječaja, u skladu sa općim i posebnim uvjetima utvrđenim zakonom i statutom Društva a u svezi s istim člankom stavak (2) propisano je da nakon okončanog postupka izbora kandidata u skladu sa stavkom (1) ovog članka organ sačinjava i dostavlja Vladi Federacije listu kandidata koji ispunjavaju tražene uvjete i zapisnik koji sadrži sve aktivnosti i radnje obavljene od strane nadležnog organa, na izbor i nominiranje.

Članak 13. stavak (3) Uredbe o vršenju ovlasti u gospodarskim društvima sa sudjelovanjem državnog kapitala iz mjerodavnosti Federacije Bosne i Hercegovine na osnovu liste kandidata iz stavka (3) ovog članka, Vlada Federacije donosi Odluku o davanju prethodne suglasnosti nadležnom organu Društva za imenovanje članova uprave. U skladu sa ovom odlukom nadležni organ Društva sa većinskim učešćem državnog kapitala dužan je donijeti Odluku o imenovanju članova uprave.

Zbog propisanoga načina imenovanja nove uprave uz proceduru koja iziskuje određeno vrijeme, Vlada Federacije BiH je donijela je Odluku o davanju prethodne suglasnosti za imenovanje vršitelja dužnosti članova uprave na razdoblje do dvanaest mjeseci, odnosno do okončanja natječajne procedure za imenovanje nove uprave. Imenovanje vršitelja dužnosti je izuzetna mjera, kao što se i navodi u članku. 15. Uredbe, koja se provodi do okončanja procedure i to u izuzetnim situacijama. Izuzetnu situaciju predviđa npr. gubitak povjerenja u člana uprave od strane vlasnika, smrt ili bilo koji drugi razlog koji sprječava postojećeg člana uprave da obavlja svoje dužnosti do završetka natječajne procedure. Imenovanje vršitelja dužnosti nije podložno uvjetima propisanim Statutom društva, jer se radi o privremenom rješenju koje omogućava nesmetano poslovanje društva do trenutka imenovanja stalne uprave. Ova mjera omogućava da društvo funkcioniše u prijelaznom razdoblju, poštivanjem svih zakonskih i statutarim procedura, kao i davanje potrebne fleksibilnosti u vremenskom okviru do okončanja natječaja. Dodatno Uredba ne predviđa bilo kakve uvjete za izbor vršitelja dužnosti te posljedično takve uvjete ne može predviđati ni akt niže pravne snage, kao što je Statut. Od značaja je to što Statut u potpunosti svojim odredbama prati način izbora vršitelja dužnosti na način predviđen Uredbom.

Temeljem navedenoga Vlada može imenovati vršiteljem dužnosti bilo koje osoba koje ima poslovnu sposobnost, neovisno od toga da ta osoba ispunjava ili ne ispunjava uvjete za kasnije imenovanje u upravu društva. Dodatno ističemo da za reguliranje pitanja prijave vršitelja dužnosti na odgovarajuće evidencije Porezne uprave, zaključivanje odgovarajućeg ugovora o radu nije potrebno dostavljati bilo kakvu dokumentaciju kojom bi vršitelj dužnosti dokazivao ispunjavanje uvjeta za imenovanje za vršitelja dužnosti člana uprave. Stoga je donesena odluka prema kojoj se vršiteljima dužnosti dodjeljuju odgovornosti za upravljanje društvom u prijelaznom razdoblju, dok je natječajna procedura u tijeku.

Prema članku 15. Uredbe o vršenju ovlasti u gospodarskim društvima sa sudjelovanjem državnog kapitala, Vlada Federacije BiH daje prethodnu suglasnost za imenovanje vršitelja dužnosti u društvima s većinskim državnim kapitalom, čime je osigurano pravno uporište za ove promjene.

Kako bi se osigurala stabilnost poslovanja, trenutno je u fazi nacрта Plan poslovanja za razdoblje od 01.01.2025. do 31.12.2027. godine. Navedeni plan poslovanja 25-27 je usvojen od Uprave i Nadzornoga odbora a do kraja godine će biti usvojen i od skupštine JP „Međunarodni aerodrom Sarajevo“ d.o.o. Sarajevo. Plan se temelji se na poslovnem okviru u kojem JP „Međunarodni aerodrom Sarajevo“ d.o.o. Sarajevo djeluje. Plan je osmišljen s ciljem optimizacije poslovanja, racionalizacije troškova i postizanja održivog rasta, financijske stabilnosti i profitabilnosti, s posebnim naglaskom na putnike, koji ostaju u središtu svih poslovnih aktivnosti.

U Planu poslovanja također su uzeti u obzir vanjski faktori koji mogu utjecati na poslovanje, poput inflacije, političkih i ekonomskih nesigurnosti u svijetu, te mogućnost globalne ekonomske krize. Plan uključuje procjene mogućih odstupanja od postavljenih ciljeva, ukoliko dođe do promjena u vanjskom okruženju.

Strateški ciljevi plana poslovanja uključuju povećanje broja aviooperacija, kontinuirano pozitivno poslovanje, realizaciju infrastrukturnih projekata, osiguranje održivog razvoja smanjenjem negativnih utjecaja na okoliš i energetske efikasnost, diversifikaciju rizika uvođenjem novih inovativnih usluga, te osiguranje visoke razine sigurnosti i zaštite zdravlja radnika, putnika i objekata.

Za razdoblje od 01.01.2025. do 31.12.2027. godine, predviđeni su ciljevi u smislu broja aviooperacija, broja putnika, obujma tereta i pošte, te ostvarene dobiti nakon oporezivanja te su postavljeni kao 58.320 aviooperacija, 6.005.000 putnika, 8.830.000 kg tereta i pošte i 24.695.000,00 KM dobiti nakon oporezivanja.

Ovaj sveobuhvatan plan poslovanja osigurava smjernice za daljnji razvoj JP „Međunarodni aerodrom Sarajevo“ d.o.o. Sarajevo, s ciljem postizanja održivog rasta i stabilnosti poslovanja, te za prilagodbu trenutnim poslovnim izazovima i planiranim strateškim ciljevima.

S poštovanjem,

Dostaviti;

-Naslovu

-JP MAS d.o.o. Sarajevo

-Evidencija

-Arhiva

